

Siunnersuummut nassuiaatit

Nassuiaatit nalinginnaasut

1. Aallaqqaasiut

Siunnersuummut allannguut annerpaaq tassaavoq, aningaasaliissutit ikaarsaariarnermi Naalakkersuisut teknikikkut aningaasaliisutut aqutsissasut. Kalaallit Nunaata Aatsitassarsiornermi Aningaasaateqarfia Naalakkersuisunit aqunneqarallassasoq siunnersuutigineqarpoq aamma. Taamaaliornermi aningaasaateqarfiup aningaasaataasa iluanaarutisiaasalu ingerlatsinermit, allaffissornermit aningaasaateqarfimillu kukkunersuinermit naammattunik annertussuseqalernissaat tikillugu aqutsinermi aningaasartuutit annikillisaanissaq siunertaavoq. Allannguutissatut siunnersuutigineqartukku qanoq aningaasaateqarfiup aqunneqarnissaata, qaqugulu aningaasaateqarfiup inatsimmi aalajangersakkat allat malillugit aqunneqalernissamut ikaarsaariarnissaata nassuiarnissaanik siunertaqarpoq.

2. Immikkoortut pingaarnerit

Kalaallit Nunaata aatsitassarsiornermi aningaasaateqarfia pillugu Inatsisartut inatsisaat ulloq 1. januar 2019 atuutilerpoq, Kalaallit Nunaata aatsitassanut aningaasaateqarfiata atulernerana pillugu Namminersorlutik Oqartussat nalunaarutaat nr. 7, 29. januar 2021-meersoq, atuutilersitsinermi aalajangersakkani § 50 takuuk.

Inatsisartut inatsisaat § 1 naapertorlugu aatsitassarsiornermit aningaasaateqarfik kingorna pilersinneqarpoq. Aatsitassarsiornermik inuussutissarsioritunit isertitat Kalaallit Nunaata aningaasaqarnerata aalaakkaasumik piujuartitsisumillu, ukiuni ataasiakkaani isertitat apeqqutaatinnagit ineriartornissaanut atorneqarnissaanik qulakkeerinninnissaq aningaasaateqarfiup siunertaraa. Kalaallit Nunaata aatsitassarsiornermik ingerlatsisunit isertitaasa pingaarnertut kalaallit aningaasaqarneranni aamma siunissami kinguaariinnut tulliuttunut, ungasissumik sammisumik patajaallisaasuunissaanik qularnaarisuunissaq aningaasaateqarfiup ilanngullugu siunertaraa.

Aningaasaateqarfiup isertitassaatut ilimagineqartut aningaasaateqarfiup namminersortup ingerlatsineranut, allaffissorneranut kukkunersiorneqarneranullu aningaasartuuteqarnissamut pissutissaqartitsinngitsut nalilerneqarpoq. Ukiuni arlalinni aningaasartuutit aningaasaateqarfiup iluanaarutisiaanik qaffasinnerunissaat nalilerneqarpoq.

Taamaammat aningaasaateqarfiup aqunneqarnera, aningaasaateqarfiup aningaasaataasa iluanaarutisiaasalu aningaasartuutit iluanaarutisiaanik naapertuuttumik annertussuseqalernissaata qularnaarneqarnissaata tungaanut Naalakkersuisunut isumagisassanngortinneqassasoq siunnersuutigineqarpoq. Tamatuma tungaanut aningaasaateqarfik missingersuutitigut naatsorsuuserinikkullu teknikikkut aningaasaateqarfittut aqunneqassaaq.

Inatsit atuuttoq

Kalaallit Nunaata Aatsitassarsiornermi Aningaasaateqarfia pillugu Inatsisartut Inatsisaata allanngortinneqarnera pillugu Inatsisartut Inatsisaat nr. 49, 23. november 2017-imeersup § 51 aamma § 52 tunngavigalugit ikaarsaariarnermi piffissamut tunngasumut aalajangersakkat, inatsisip

atuutilersimanagerani, aningaasaateqarfiulli pisuussutai annikinnerusumik annertussuseqarlutik atuutsinneqalerput. Kapitali 7-mi aalajangersakkat, aningaasaateqarfik missingersuutitigut naatsorsuuserinikkullu teknikikkut aningaasaateqarfittut aqunneqassaa, aatsaat 31. Decembari ukiup atuutsinneqalerfiani atuutsinneqalenera, aningaasaateqarfiup pisuussutaasa 1 milliardi kr.-nit annertunerunissaat aamma ukiumut iluanaarutinik 50 millioni kr.-nit annertunerunissaat tamarmik siullermeertumik anguneqarsimassasut piumasqaataalernerisa aalajangersakkat nassataraat.

Inatsisit § 52-imi, kapitali 7-imi aalajangersakkat atuutsinneqalernissaasa tungaannut, aningaasaateqarfik Naalackersuisunit ingerlanneqassasoq allaffissorinikkullu isumagineqassasoq aalajangerneqarpoq. Aningaasaateqarfiup siunertai, inatsisartut inatsisaat aamma tamatuma kinguneranit malittarisassat aalajangerneqartut naapertorlugit Naalackersuisut aqutsissapput, ingerlatsissapput aamma isumaginnissapput. Aningaasaateqarfiup ingerlanneqarneranut aamma ineriartorneranik nalilersuinernut pingaaruteqarsinnaasunik, Naalackersuisut qaammatit pingasukkaarlugit paasissutissanik nalunaarusiortarput. Ikaarsaariarnerup inatsimmi aalajangersakkat allat, ilaallutik aningaasaateqarfiup akiligassarsinera, tatigeqatigiinneq, nuna, eqqartuussisoqarfik suliap suliarineqarfissaa, nakkutilliineq aamma naatsorsuutinik kukkunerisuineq atorineqassapput.

Siunnersuut

Missingersuutitigut naatsorsuuserinikkullu teknikikkut aningaasaateqarfik

Kalaallit Nunaanni aatsitassarsiornikkut aningaasaateqarfiup missingersuutitigut naatsorsuuserinikkullu teknikikkut aningaasaateqarfittut aqunneqarallarnissaa siunnersuutigineqarpoq. Tamatuma Kalaallit Nunaanni aatsitassarsiornikkut aningaasaateqarfik namminerisaminik aqutsisussaani pilersitsinissaq nassatarissanngilaa.

Taamatut periuseq aqutsinikkut Sanaartugassanut Iluarsagassanullu Aningaasaateqarfimmut kiisalu Piffissaq ungasinnerusooq eqqarsaatigalugu aningaasaliissuteqarnissanut Aningaasaateqarfimmut periuuserineqartumut assinguvoq, taakku tamarmik missingersuutitigut naatsorsuuserinikkullu teknikikkut aningaasaateqarfiupput. Kalaallit Nunaata aatsitassarsiornikkut aningaasaateqarfiatali aningaasaateqarfittut namminersortuunini, aningaasallu aningaasaateqarfimmut nakkartinneqartut Nunatta Karsianit immikkoortillugit inissinneqartussaanerat, taakkunannga allaanerussutigaa. Kukkunerisuarnikkut aningaasaateqarfiup Nunatta Karsiata naatsorsuutai peqatigalugit kukkunerisiorneqartarnissaa ilimagineqarpoq.

Allannguutissatut siunnersuutigineqartukkut aningaasaateqarfiup aningaasaataasa iluanaarutaasalu ingerlatsinermut, allaffissornermut immikkullu kukkunerisuutitsiarnermut aningaasartuutinik nammassinnaaneranut naammalernissaasa tungaanut, aningaasaateqarfiup pisariinnerusumik ersarinnerusumillu aningaasaqarnikkut aqunneqarnissaani siunertaqarpoq. Piffissami aningaasaateqarfiup missingersuutitigut naatsorsuuserinikkullu teknikikkut aningaasaateqarfittut aqunneqarnerani, aningaasaateqarfik aningaasaateqarfimmik ingerlatsinissamut kukkunerisuinissamullu pisussaaffeqartunik siulersuisulerneqassanngilaq.

Allaffissornikkut pissutsit il.il.

Siunnersuutip saniatigut ikaarsaariarnermut aqqissuussaq inatsit § 52-imi atuuttoq, aningaasaateqarfiup Naalakkersuisunit ingerlanneqarnissaa allaffissornikkullu isumagineqarnissaa piffissaagallartillugu ingerlateqqinneqarpoq.

Tamatumunnga atatillugu ikaarsaariarnermi Inatsisartut Inatsisaanni Kalaallit Nunaanni Aatsitassarsiornermut aalajangersakkat arlallit atorneqannginnissaat siunnersuutigineqarpoq. Tamatumunnga ilanngullugit aningaasaateqarfimmik pilersitsineq aamma anguniakkanik ingerlatitseqqinneq il. il., aningaasaateqarfiup aningaasaatiminik nuussinera aamma Namminersorlutik Oqartussanit iluanaarutit, allaffissornikkut aningaasartuutit aamma akiligassarsinerik ilaannillu killiliinerit, aningaasaateqarfiup aqutsisui aamma allaffeqarfia, aningaasaatinik aqutsineq aamma inissiineq, ukiumut naatsorsuutit, kukkunersuinerit aamma Naalakkersuisunut nalunaarusiornerit, nakkutilliinerit, eqqartuussisoqarfik suliap suliarineqarfissaa il. il., paasissutissat tusarluuteqqusaanngitsut, taarsiissutit aamma allat pineqaatissiissutit pillugit malittarisassat.

Aningaasaateqarfiup missingersuutitigut naatsorsuuserinikkullu teknikikkut aningaasaateqarfittut Naalakkersuisunit aqunneqaannarnissaa, taamaalillunilu aningaasaateqarfik immikkut inatsisitigut susoqarfittut pilersinneqannginnissaa allannguutininut tunngaviupput. Taamaalilluni aningaasaateqarfimmik pilersitsinissamat aamma ingerlatsinermit atatillugu aningaasartuutit sipaarneqassapput. Assinganik aatsitassarsiornermit aningaasaateqarfimmi suliaqartut, ingerlatsinermi aamma nipangiussimasussaataitanermit, maligassiuisinnaatitaanermit aamma akisussaassutsinut il.il. nalinginnaasunik malittarisassanut, pisortaqarfinni atorfilittanut atuuttunut ilaassapput. Aningaasaateqarfiup pigisaanik aqutsisussaq ataatsimik arlalinnilluunniit sulit toqqaasoqartarpoq. Naalakkersuisut toqqaasarput.

Aningaasaateqarfiup missingersuutitigut naatsorsuuserinikkullu teknikikkut aningaasaateqarfittut nakkutigineqarnissaa nalinginnaasunik Naalakkersuisut nakkutilliinissamat pisussaaffiini inissisimavoq, taamaammat ilaatigut nakkutilliinissamat aalajangersakkat ikaarsaariarnermi atorneqassanngillat. Assersuutigalugu akiligassarsineq pillugu aalajangersakkat aamma atorneqassanngillat, pissutigalugu Kalaallit Nunaanni Namminersorlutik Oqartussanut akiligassarsineq taamaallaat Inatsisartunut imaluunniit Aningaasaqarnermit Akileraartarnermullu ataatsimiititaliamut tapiliussatut aningaasaliissutitut saqqummiunneqareernerisa kingorna Naalakkersuisunit ingerlaanneqarsinnaammat.

Aningaasaatinik aqutsineq il.il.

Naalakkersuisut aningaasaateqarfimmik siulersuinissaat, ingerlatsinissaat aqutsinissaallu siunnersuutip nassataraa, tassungalu atatillugu ataatsimik arlalinnilluunniit aningaasaateqarfimmik isumaginnittussamik toqqaassapput. Siunnersuutikkuttaaq aningaasaateqarfimmik aqutsineq aningaasanillu inissiineq, nunat tamalaat akornanni aningaasaatinik aqutsilluarnermit, pitsaasumillu aningaasaliinermit periutsit naapertorlugit kiisalu ileqqorissaarnermit malitassiat toqqissisimanartut naapertorlugit, toqqissisimanartumik isumannaatsuutitsinermik annertunerpaamillu iluanaarutisinissamik pinissaanik Naalakkersuisut isumannaarinissaat siunnersuutikkut ilanngullugu peqqussutigineqarpoq.

Aningaasat aningaasaateqarfimmut isertinneqartut, aningaasaateqarfiup siunertaa, Kalaallit Nunaata aatsitassarsiornermi aningaasaateqarfia pillugu inatsisartut inatsisaat kiisalu malittarisassat inatsit naapertorlugu aalajangersarneqartut malillugit Naalakkersuisunit aqunneqassapput.

Inatsimmi maanna atuuttumi § 7 naapertorlugu, Namminersorlutik Oqartussat aningaasartuuteqarnissamut, allatigulluunniit aatsitassanit isertitanit iluanaarutisianillu atuinissamut aallaqqaasiutitut mattunneqarput. Taamaalilluni aatsitassanut aningaasaateqarfik pillugu inatsimmi aningaasat kinguaariinnut tulliuuttunut iluaqutaanissaannik qulakkeerinninnissamik anguniagaqarneq, suli atuutissaaq, aningaasammi aningaasaateqarfimmiittut Nunatta Karsiani aningaasanit allanit immikkoortutut suli suliarineqartartussaammata.

Aningaasaateqarfik namminersortumik pilersitsinissamut piffissaq
§ 51-imi ikaarsaariarneq pillugu aalajangersakkat siunnersuummit ingerlateqqinneqarput.

Aningaasaateqarfiup aningaasaatai 1 milliard kr.-nit annertunerulerpata, ukiumullu aningaasaateqarfiup iluanaarutai 50 million kr.-nit annerulerpata, aningaasaateqarfik imminut aqulissasoq siunnersuutigineqarpoq. Aningaasaateqarfik ukiumi aningaasaateqarfiup aningaasaataanut iluanaarutisiaanullu piumasaqaatit siullermeerlutik naammassineqarfigisaanni, 31. decembarip kingorna imminut aquttunngussaaq. Aningaasaateqarfiup qaqugu imminut aqulernissaanut, piumasaqaatit suli suussusersiutitut atorneqarsinnaasutut nalilerneqarput.

Piumasaqaatit naammassineqarpata, aningaasaateqarfimmut tunngatillugu inatsisip aalajangersagai tamarmik atuutilissapput.

3. Aningaasaqarnikkut allaffissornikkullu pisortanut kinguneqaatit

Kalaallit Nunaata aatsitassarsiornermi aningaasaateqarfiata allaffissornermut ingerlatsinermullu aningaasartuutai aningaasaateqarfiup aningaasaataanit matussuserneqartassasut, aningaasaateqarfiup allaffissornermut aningaasartuutaanut aallaaviuvoq.

Ukiuni arlaqarnerusuni aningaasaateqarfiup allaffissorneranut aningaasartuutit, aningaasaateqarfiup aningaasaataasa iluanaarutaannit annertunerussasut nalilerneqarpoq.

Aningaasartuutit aningaasaateqarfiup aningaasaataanit matussuserneqarsinnaatinnagit, Aningaasanut inatsisit ilassutitut aningaasaliissutitulluunniit inatsisit naapertorlugit aningaasartuutit namminersorlutik oqartussanit matussuserneqartassapput. Inatsisip siullerpaamik siunertaa atorneqartillugu, Nunatta Karsiata aningaasaateqarfiup ingerlanneqarneranut, allaffissorneranut kukkunersiorneqarneranullu aningaasartuutit matussuserneqartassavai.

Naalakkersuisut aningaasaateqarfiup aqunneqarneranut aamma aaqjissuussinissamut siunnersuut naatsorsuuserinikkut teknikikkut aningaasaateqarfittut aqunneqarneranut, ingerlanneqarneranut allaffissorneranullu aningaasartuutit, aningaasaateqarfiup aningaasaataasa annertussusaanut naapertuuttumik inissisimanissaasa qulakkeerneqarnissaanut isumannaarisooqassaaq.

Aningaasaateqarfiup nammineq aqunneqarneranut aningaasartuutit, tassani pisortanut siulersuisunullu kiisalu nakkutilliinermut kukkunersiuinermullu aningaasartuutit, ukiumut 1,5 mio.

kr.-t angullugit annertussuseqartussatut missingerneqarput. Aningaasartuutit taakku aningaasaateqarfiup annertunerusumik aatsitassarsiornermit isertitsisalernissaata tungaanut aningaasaateqarfiup aningaasaataasa iluanaarutisiaannit anginerussaaq, taamaammallu aningaasaateqarfiup aningaasartai ikiliartussapput. Siunnersuut taamatut ikiliartornissaannut pinngitsoortitsissaaq.

Kalaallit Nunaata aatsitassarsiornermi aningaasaateqarfia pillugu inatsisisartut inatsisaata allangortinneqarnissaanut siunnersuutit, Kalaallit Nunaata aatsitassarsiornermi aningaasaateqarfiata aatsitassanit isertitaasa ingerlaavartumik naatsorsorneqartarnerannut, Namminersorlutillu Oqartussat Kalaallit Nunaanni Namminersorneq pillugu Inatsimmi §§ 7-8 naapertorlugu Naalagaaffimmut pisussaaffiinit tunngatillugu sunniuteqanngilaq.

4. Aningaasaqarnikkut allaffissornikkullu namminersorlutik inuussutissarsiortunut kinguneqaatit

Siunnersuut namminersorlutik inuussutissarsiortunut sunniuteqassanngitsoq nalilerneqarpoq.

5. Avatangiisinut, pinngortitamut inuiaallu peqqissusaannut kinguneqaatit

Siunnersuut avatangiisinut, pinngortitamut inuiaallu peqqissusaannut kinguneqassanngitsoq nalilerneqarpoq.

6. Innuttaasunut kinguneqaatit

Siunnersuut innuttaasunut kinguneqassanngitsoq nalilerneqarpoq.

Kinguaariit tulliuuttut soqutigisaasa, aningaasaateqarfiup ukiuni siullerni atuuffiani isertitat killeqarneranni, aningaasaateqarfiup aningaasaataasa ingerlatsinermut, allaffissornermut kukkunersiunerimullu aningaasartuutitut atorneqannginnissaasigut qulakkeerneqarnissaat siunnersuutip siunertaraa.

7. Kinguneqaatit annertuut allat

Siunnersuut allanik annertuunik kinguneqassanganneqanngilaq.

8. Oqartussanik, kattuffinnik il.il. tusarniaaneq

Siunnersuummik matuminnga piffissami 28. maj 2021-mit 25. juni 2021-mut tusarniaaffigineqarput:

Naalakkersuisut Siulittaasuata Naalakkersuisoqarfia

Inuussutissarsiornermut, Niuernermut, Nunanut allanut Silallu pissusaata allangoriartorneranut Naalakkersuisoqarfik

Nunalerinermut, Imminut Pilersornermut, Nukissiutitut Avatangiisinullu Naalakkersuisoqarfik

Ineqarnermut, Attaveqatigiinnermut Naligiissitaanermullu Naalakkersuisoqarfik

Aatsitassanut Naalakkersuisoqarfik

Kommune Kujalleq

Qeqqata Kommunua

Kommune Qeqertalik

Avannaata Kommunua

Kommuneqarfik Sermersooq
SIK
NUSUKA
BDO
Deloitte
BK Revision
EY Grønland
Grønlands Erhverv
Grønlandske Advokater
Grønlands Revisionskontor
GrønlandsBANKEN
BankNordik
SISA

Taamattaq siunnersuut <http://www.naalakkersuisut.gl> tusarniaanermut nittarsaassivimmi tamanut saqqummiunneqarpoq.

Tusarniaatinut akissutit tiguneqarsimasut allattoqarsimapput aamma ilanngussaq 2-mi oqaasiliiffiqineqarlutik.

Siunnersuutip aalajangersagaanut ataasiakkaanut oqaaseqaatit

§ 1-imut

Nr. 1-imut

Nunatta Karsiata aningaasaateqarfiullu akornanni aningaasanik nuussinerit taamaallaat kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat Inatsisartullu Aningaasanut Inatsisaat naapertorlugit pisinnaasoq aalajangersakkami ersersinneqarpoq.

Allannguut kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaannik oqaasertatigut sukumiisunngortitsineruvoq, taamaalillunilu inatsimmut innersuussut ersersinneqarpoq.

Nr. 2-mut

(§ 51)

Imm. 1-imut

Immikkoortut nr. 1-2 tamarmik naammassineqarnissaasa tungaannut, Naalakkersuisut aningaasaateqarfimmik aqutsisuunerannik aalajangersaanermut ikaarsaariarnermut aalajangersagaavoq.

Ukiumi ilivitsumi piumasaqaatit marluk naammassineqarnissaasa tungaanut, aningaasaateqarfik Naalakkersuisunit aqunneqarneranik aalajangersakkami takutinneqarpoq. Aningaasaateqarfiup aningaasaatai 1 milliard kr.-t sinnerlugit annertussuseqassapput, aningaasaateqarfiullu aningaasaataanit ukiumi iluanaarutisiat minnerpaamik 50 million kr.-ussapput.

Taamatut aqqissuussineq aningaasaateqarfiup siulersorneqarneranut, ingerlanneqarneranut allaffissorneranullu aningaasartuutit, aningaasaateqarfiup aningaasaataanut naapertuuttuussanerannik qulakkeerineqataassaaq.

Imm. 2-mut

Ukiumi imm. 1-imi aalajangersakkat siullermeertumik naammassineqarfiani, Naalakkersuisut aningaasaateqarfimmik aqutsinerat ulloq 31. december atorunnaassasoq aalajangersarneqarpoq.

Aatsaat immikkoortoq 1-imi tunngavigisatut taaneqartut marluk naammassineqarpata, Naalakkersuisut aningaasaateqarfimmik aqutsisuunerat atorunnaassaaq. Taamaalilluni tunngavigisap ataasiinnaap naammassineqarnera naammanngilaq, tassani aamma tunngavigisap ataatsip piffissami sivisuumi naammassineqarnera ilanngullugu.

Tunngavigisat marluk taaneqartut naammassineqarpata, Naalakkersuisut aningaasaateqarfimmik aqutsisuunerat atorunnaassaaq, tamatumani tunngavigisap ataaseq tamarmilluunniit ukiumi tulliuuttumi ataatsimi ukiumi arlalinniluunniit naammassineqannginnerat apeqqutaatinnagu.

Imm. 3-mut

Naalakkersuisut ingerlatsisumik ataatsimik arlalinnilluunniit aningaasaateqarfiup aningaasaataanik ingerlatsisussamik toqqaassasut aalajangersarneqarpoq.

Imm. 4-mut

Naalakkersuisut aningaasaateqarfimmik aqutsinerisa atorunnaarnissaasa tungaannut, inatsimmi aalajangersakkat arlallit atuutissanngitsut aalajangersarneqarpoq.

Inatsisartut inatsisaata atulernerata kingorna piffissami aalajangersimasumi aningaasaateqarfiup aningaasaatai aatsitassanillu isertitat annikitsuunissaat ilimagineqarpoq. Taamaammatt piffissami tassani aningaasaateqarfimmik aqutsinermut, ingerlatsinermut allaffissornermullu pisariaqartitat inatsisartut inatsisaanni § 1, imm. 2-3, § 6, imm. 7, § 7, imm. 4, uniffiit pingajuat, § 8, § 9, §§ 11-27, § 28, imm. 1, §§ 31-41, § 43, §§ 45-48 aamma § 49, nr. 1-13 aamma 18-24 malillugit pisariaqartitsineq annikinnerussasoq ilimagineqarpoq.

Inatsimmit aalajangersakkat aqutsigallarnermi atorneqanngitsut, aningaasaateqarfiup pilersinneqarneranut aamma anguniakkanut il. il., aningaasaateqarfiup aningaasaatiminik nuussisarneranut aamma Namminersorlutik Oqartussanut isertitaqaatit, aningaasaateqarfiup allaffissornikkut aningaasartuutaanut aamma akiligassarsinermi il. il. killeqartitanut, aningaasaateqarfiup aqutsisuiunut aamma aqunneqarneranut, aningaasaatit aqunneqarneranut aamma inissisimaffiinut, ukiumut naatsorsuutitut, kukkunersuiunernut aamma Naalakkersuisunut nalunaarusianut, nakkutilliinernut, nunamut, eqqartuussisoqarfik suliap suliarineqarfissaanut il. il., paasissutissat tusarliuteqqusaanngitsunut, taarsiissutitut aamma allanut pineqaatissiissutitut tunngapput.

(§ 52)

Qaffasissumik iluanaaruteqarnissaq, nunani tamalaani aningaasaatinik aqutsilluarnermut, pitsaasumillu aningaasaliinermut periutsit naapertorlugit kiisalu ileqqorissaarnermut malitassiat toqqissisimanartut naammassineqarnissaat Naalakkersuisut qulakkiissagaat aalajangersarneqarpoq.

Aningaasaateqarfiup aningaasaataanik inissiinermi Naalakkersuisut pisariaqanngitsumik iluatsitseriarlutik iluanaarniassannginnerannik pisussaaffilernissaannik aalajangersagaq siunertaqarpoq. Aningaasaliiffigisaq aalajangersimasoq qularnaatsutut isigineqarsinnaanngitsoq, imaluunniit aningaasaliiffigisap iluanaarutissarsiffigineqarsinnaannginnera ilimagineqarsinnaasoq Naalakkersuisunit ilisimaneqartariaqarsimappat, aningaasaateqarfiup aningaasaataanik inissiineq aalajangersakkamut akerliussaaq. Peqatigisaanik Naalakkersuisut aamma aningaasaateqarfiup aningaasaliissutigineqartunit naapertuuttumik iluanaarutisinissaa Naalakkersuisut qularnaarniartussaavaat.

Aalajangersakkakkut aatsitassanit isertitat suliffeqarfinnut suliniutinullu qaffasissukkut inuusaatsikkut ileqqorissaarnikkullu akisussaassutsimik takutitsisunut aningaasaliissutaanissaat qulakkeerneqassaaq. Aningaasat tupanik, sakkussianik, pornografiimut imaluunniit nioqqutissianut peqqissutsimut innarliisunik aningaasaliissutigineqartariaqanngillat.

Aktiaatit suliffeqarfinnut inuuniarnikkut avatangiisinullu tunngasutigut tusaamaneqarluartuneersuuppata, tamanna aalajangersakkamut naapertuulluassaaq.

Aarlerinaateqarsinnaasunut ingalassimanissamut, aningaasaliissutigineqartut ajornerulersitsinnginnissaannik isumannaatsuunerup, nammineq aningaasaateqarnermut tunngasuni annertunerusumik aningaasaliinikkut annertunerusumik iluanaaruteqarnissamit pingaartinneqarneruneranik aningaasaleeriaaseqarnissaq siunniunneqarpoq. Aallaavittut akunnattumik aarlerinaatilittut aningaasaliinerit piumasaqaatinik taakkuninnga naammassinnittutut isigineqarsinnaapput. Tassani aningaasaateqarfiup aarlerinaatilinnik iliuuseqannginnissamik imaluunniit qaffasissumik iluanaarutisinissaq pillugu aarlerinaatilinnik iliuuseqarnissamik siunertaqannginnera pingaartinneqarpoq. Akerlianik aningaasaateqarfimmi ileqqaakkat pisissutaasinnaanerisa qulakkeerneqarnissaat aningaasaateqarfiup pingaarnertut siunertaraa.

§ 2-mut

Aalajangersagaq siunnersuutip piffissamut atuutilerfissaanut tunngassuteqarpoq.

Siunnersuut 1. januar 2022-mi atuutilissasoq siunnersuutigineqarpoq.

Ilanngussaq 1 Siunnersuut inatsimmut atuuttumut sanilliunna

Siunnersuutip inatsimmut atuuttumut sanilliunna	
<i>Oqaasertat atuuttut</i>	<i>Siunnersuut</i>
	§ 1
<p>§ 6. [...] <i>Imm. 8.</i> Landskarsip aamma aningaasaateqarfiup akornanni aningaasanik nuussineq, Namminersornerullutik Oqartussat missingersuusiortarnerat pillugu inatsit aamma Inatsisartut Aningaasanut inatsisaat mianeralugit aatsaat pisinnaavoq.</p>	<p>1. § 6, imm. 8 ima allanneqassaaq ”Imm. 8. Nunatta Karsiata aamma aningaasaateqarfiup akornanni aningaasanik nuussineq kommunit Namminersorlullutik Oqartussat missingersuutaat naatsorsuutaallu pillugit Inatsisartut Inatsisaat kisimi naapertorlugu pisinnaavoq.”</p>
<p>§ 51. Kapitali 7-imi aalajangersakkat aatsaat atuutilissapput 31. december kingorna ukiumi tassani, piumasaqaatit tulluuttut ataasiarlutik eqquutsinneqareerata: 1) Aningaasaateqarfiup aningaasaataasa 1 milliard koruuninit amerlanerulerpata. 2) Aningaasaateqarfiup aningaasaataanit pissarsiat ukiumi tassani 50 millioner koruuninit amerlaneruppata.</p> <p>§ 52. Kapitali 7-imi aalajangersakkat atuutilernissaasa tungaanut, aningaasaateqarfiup aqunneqarnera, ingerlanneqarnera allaffissornertaalu Naalakkersuisunit ingerlanneqassaaq. <i>Imm. 2.</i> Inatsisartut inatsisaanni matumani malittarisassat naapertorlugit aningaasaateqarfimmik siunertarisat naapertorlugit aningaasaateqarfiup aqunna, ingerlannera allaffissornertaalu Naalakkersuisunit ingerlanneqassaaq. <i>Imm. 3.</i> Aningaasaateqarfiup ingerlanneqarneranut ineriartorneranullu sunniuteqarsinnaasutut paasissutissat nalilerneqartut pillugit nalunaarutinik qaammatit pingasukkaarlugit Naalakkersuisut saqqummiussisassapput.</p>	<p>2. §§ 51-52 ima oqaasertalerneqassaaq: ”§51 Ukioq ilivitsumi piumasaqaatit naammassineqarnissaasa tungaanut, aningaasaateqarfik Naalakkersuisunit aqunneqassaaq: 1) Aningaasaateqarfiup aningaasaataasa 1 milliard kr.-t annertunerulernissaannut. 2) Aningaasaateqarfiup aningaasaataanit ukiumut iluanaarutisiat 50 million kr.-t annertunerulernissaannut. <i>Imm. 2.</i> Naalakkersuisut aningaasaateqarfimmik aqutsinerat ukiumi piumasaqaatit naammassineqarneranni ulloq 31. december kingorna atorunnaassaaq. <i>Imm. 3.</i> Naalakkersuisut aningaasaateqarfiup aningaasaataanik ingerlatsisunik ataatsimik amerlanernilluunniit toqqaassapput. <i>Imm. 4.</i> Naalakkersuisut aqutsinerisa atorunnaarnissaata tungaanut, § 1, imm. 2-3, § 6, imm. 7, § 7, imm. 4, uniffiit pingajuat, § 8, § 9, §§ 11-27, § 28, imm. 1, §§ 31-41, § 43, §§ 45-48 aamma § 49, nr. 1-13 aamma 18-24 aalajangersakkat atuutissanngillat.</p> <p>§ 52 ”Naalakkersuisut aningaasaateqarfik siulersorlugu aqussavaat. <i>Imm. 2.</i> Naatsorsuutini teknikikkut aningaasaateqarfiup aqunneqarnera</p>

	<p>anigaasanillu inissiineq ima pissasoq Naalackersuisut isumannaassavaat:</p> <p>1) Toqqissisimanartumik isumannaatsuunissaq annertunerpaamillu iluanaaruteqarnissaq anguniarlugu,</p> <p>2) anigaasaatinik aqutsinermi anigaasaliisarnernilu nunat tamalaat akornanni pitsaasumik periutsit naapertorlugit, aamma</p> <p>3) ileqqorissaarnikkut malitassiat toqqissisimanartut naapertorlugit.</p> <p><i>Imm. 3. Anigaasaateqarfiup ingerlanneqarneranut ineriartorneranullu sunniuteqarsinnaasutut paasissutissat nalilerneqartut pillugit nalunaarutininik ukiumoortumik Naalackersuisut saqqummiussisassapput.”</i></p>
	<p style="text-align: center;">§ 2</p> <p>Inatsisartut inatsisaat 1. januar 2022-mi atuutilissaaq.</p>

Ilanngussaq 2**Tusarniaanermi allakkiaq**

Tusarniaanerup kingorna Sulisitsisunit aamma Naalakkersuisut Siulittaasuata Naalakkersuisoqarfianit akissutinik tiguisoqarpoq.

Tusarniaanermi akissutit oqaaseqaatit ataasiakkaanik kingunerisatut iluarsiinertaqartitsipput.

Tulliuttuni tusarniaanermut akissuteqaatit aamma allannguutissatut siunnersuutit sammeneqarput. Oqaatigineqassaaq tusarniaanermut akissuteqaatit uingasumik allassimasut, pingaaruteqassusaannik nalilersuineq tunngavigalugu issuarneqarmata.

Sulisitsisut oqaaseqaateqanngillat.

Naalakkersuisut Siulittaasuata Naalakkersuisoqarfianit akissut:

“Maanna aalajangersagaq atuuttup aamma allannguutissatut siunnersuutip assigiinngissutigunarpaat una, maanna inatsisissatut siunnersuutip aningaasaateqarfiup malittarisassaanik aamma atugarisaanik sukumiinerusumik tunngavilersuineq. Taamaappat taava oqaaseqaatit nalinginnaasuni tamanna erseqqissarneqarsinnaavoq, oqaaseqaatit maanna iluserisaattut paasinerluinermik kinguneqarsinnaanerat.

Inatsimmik allannguut siorna allannguutitut assigiissuteqarpoq. Naalakkersuisut Siulittaasuata Naalakkersuisoqarfiup allanneratut maanna inatsisissatut allannguut allaffeqarfiugallartup, tassunga ilanngullugit aningaasaateqarfik kimik aamma qanoq aqunneqarnerisooq kiisalu allaffeqarfiugallartup nalaani suunersooq pillugit pissutsinik arlalinnik aaqqiissutaaneruvoq.

Aalajangersakkanut ataasiakkaanut nassuiaatit (qupp. 6) allaassuteqarput, tassami nassuiaatit nikittaallugit “qaffasissumik iluanaarutisiat” “naammaginatsumik iluanaarutisiat” aammalu “aningaasaateqarfiup pingaarnermik siunertaa tassa [...] aningaasaateqarfimmi sipaakkat pisissutigineqarsinnaaneri qulakkiissallugu. Tassani assigiimmik aaqqiissuteqarnissaq eqqarsaatigineqarsinnaavoq.

Oqaatsit atorineqartut aaqqinneqarput.

Aalajangersakkat ataasiakkaanut oqaaseqaatini (qupp. 6) aningaasaateqarfiup aningaasaatai aarlerinartumik inissinneqassanngitsut, aamma nalingisa qularnaarneqarnissaa iluanaarutissanit pingaarnersooq ersersinneqarpoq.

Tamanna Inatsisartut inatsisip kingusinnerusumi allannguutaanut akerliulaarpoq. UKA 2017/90-imi (qupp. 4) oqaaseqaatai naapertorlugit, “nalorninartortaqarnerusunut aningaasaliissutigineqartassapput” allassimavoq.

§30, imm. 2 UKA 2017/90-imi akuerineqartoq aningaasaateqarfiup aningaasaliinerata agguataarneranut tunngavoq. Allannguut aningaasaateqarfiup (annikitsumik) nalorninartortaqarnerusunut aningaasaliisinaanissaanut periarfissiiuvoq. Allannguut akuerineqaraluarpalluunniit tamanna suli atuutissaaq. §52, imm. 2-mut siunnersuut, §31-mi

malittarisassamik malinnittariaqannginnissamut siunnersuut pillugu Naalackersuisut allaffeqarfia atorunnaarnissaata tungaanut atatillugu isigineqassaaq. §31-p Naalackersuisut §52 imm. 2-mi pissutsinik nalunaarusiornissamut periarfissippai. Nalunaarusialli Naalackersuisut suliaannut tungassammat, malittarisassiornissamut assigisaanulluunniit pissusiusussanik aqqissuinissaq naapertuunnerorpassippoq.